

سر محمدي : مصطفی فوزی

صاحب امتیاز و مدیر مسئول حسن کاظم

ملت عثمانیه امت اسلامیہ ایچون مفید اولان آمار
صحیفه لر من آچیق در درج ایدیلان اوراق اعماده ایدلر.مطبعه و اداره خانه سی : استانبول باب عالی جوارنده
ابوالسود جاده سی نوسر ۷۵ اصحاب سراجااته
هر ساعت آچیقدر

حجره ایضوفیه

شمه بیلک هفته ده بر نشر اولنور

تاریخ تاسیسی ۱۳۲۷ سنه محرمی
سنه ۱ اعتباریه مالک شاهانه ایچون بشه
اوله رق ۸۰ آلتی آیلنی ۴۰ فروش
و مالک اجنبیه ایچون ۲۰ فرانقدر

نسخه سی ۶۰ پاره در

تصوفی، دینی، اخلاقی، ادبی، سیاسی جریده اسلامیه در

نوسر ۱۴۵

جریده صوفیه

محترم قارئیننه عید سعید فطری تبریک ایدر

احتکار جهنمی برکاردر :

قرآن حکیم

« یوم نقول لجهنم امتثالت . ونقول هل من مزید »
مألاً ترجمه سی :

بتون مستحق عقوبات اولانلرک جهنمه ادخال اولندقلری کون
جهنمه دیرزک آرتق طولدکی ؟ حالبوکه جهنم کال حرص وخواهشله
(وسعتی ، ودها پک چوق مجرملری استعاب ایده جکئی عرض
ایتمک مقصدیله) ده واری دیر .

تفسیر :

دنیا آخرتک آینه سیدر بوسرته معکواس اولان شئونانک آخرتده
حقیقتی ظهور ایده جکدر اوراده اوله جق هر شیک بوراده بر مثالی
وار . سوزی اوزاتمی لازم دکل . مثلاً جنتک مثالی قلوب عارفیندر .
آنلر جنت وجدانه مالکدر اذواق جنسانی بوراده طاندیلرده آنک
ایچون ذوق ماسوایه بویون اکزلر . هر شیک بر عجبی وار عارفک
قلبنده کی حلاوت ایمان و سرندگی کسب عیانک عجبی وار ووجدر .
هله رمضان شریفده جنت فردوس کلده عارف باللهدن صور فقط
مستغرق اولدینی شوق و جذبه بی لسان قال ایله قطعاً تعریف ایده من .
زواللی ناقص صیام سنده اضعف ویا فقدان ایماندن قورتیلوبده
عارف باله اوله بیلسه ایدک اوزمان اونک حالنی اکلاردکده میلیونلر
ویرسلر اوروج بیه مزیدک . ایشته دنیاده جنتک مثالی عارف باللهک
قلبی و نمثلی ده او حضرتک ذاتیدر . دنیاده جهنمکده مثالی وار دائماً
(هل من مزید) دیه فریاد ایدر . اوده حریص دنیا اولان محتسک
شخص مذمومی وقره قلیدر فقط بوتجارت ملامونه دن پیغدینی اموال
خیبته حقتده کی غایه سی ندر بن دیورم که جهنمک غایه سی نه ایسه

بونکده اودر جهنمه بر غایه تعین ایتمکی میزاب فیوضات اولان
قلوب عارفینه بر اقدم . انشالله اوکا بر غایه تعین ایدرک بو ستونلرده
نشر ایدرلرده اوزمان محتسک غایه سی تعین ایدر .

مصطفی فوزی

مقتضیات

تاریخ ادیان اربابنه کوره دینک تعریفی

تاریخ ادیان اربابنه کوره دینک مختلف و متنوع تعریفی وار
ایسه ده الک مشهور بر تعریف ایله اکتفا ایدوب تربیه دینیته نصل
اوله جفتدن بحث ایدم حکم فلاسفه افرنجیدن = سلمان رابناک =
تعریفنه کوره (دین) قوای بشریه تک سربستی استعماالنه مانع و طابو
تسمیه ایدیلان تقیدات مخصوصه تک هیئت مجموعه سنه دینور بو تعریفی
تدقیق ایدرسک کورورز که تعریف مذکوره بر جوق اعتراضات
وارد اولیورسده دین حق اولان اسلامیت بو تعریفدن خارجدر
زیرا دین اسلام قوای بشریه تک سربسته اجرانسه اصلاً مانع
اولوبوب شوقدر که نفس اماره تک آلا بیلدیکنه و حیوانجه حرکت
ایتمسنده مساعده ایتمیوب یعنی افراط و تفریطه دوشمکدن منع ایله
طریق حق اولان طریق اعتدالی فطرتی امر و بیان ایدیور معلومدر که
حکک دوام و بقای حیات غریزه تک معتدل بر طرزده جریان
ایتمسنه متوقفدر اگر اعتدال مزاجه حرارت غالب کلورسه وجود
اعتدالندن چیقوب در حال خسته اولور شاید برودت غالب کلورسه ینه
خسته اولور نصل که مادی حیاتک دوام و بقای مزاج بشرک اعتدال
اوزره بولمسنه عکس ایسه هلاکنه سبب اولیورسه فکراً ، روحاً ،
دیناً و اخلاقاً دین فطری و طبیعی اولان اسلامیتدن انحراف ایدنلرده
روحاً ، اخلاقاً خسته و لرلر بو خسته ک روح و فکر مریدلر طرفندن
تداوی ایدلر و یا تداوی سنده قصور ایدیلرک اولورسه هلاک اجتماعی ،
انحلال روحی و سقوط اخلاقی کبی امراض معنویه در حال اجرای
فعالیه باشلار آرتق موت حقیقی اولان بو سقوط معنوی هیچ بر
فیلسوفک هیچ بر مرشدک تداوی و ارشادی ایله شفایاب اوله مان